



UNIVERSITÄTS-
BIBLIOTHEK
PADERBORN

**Scientia Salvts, Sive Considerationes Piæ, Præcipuam
Spiritualis Vitæ Materiam complectens**

Laberhittel, Samuel

Ingolstadii, 1660

46. Fer. 5. Incuria inoperando.

[urn:nbn:de:hbz:466:1-59837](https://nbn-resolving.org/urn:nbn:de:hbz:466:1-59837)

76 FERIA 5. DOM. 5. EPIPH.

& à seipsis conversionem incipiant. Milites
fessi non vincunt. Mater non comedendo
non alit liberos. Pauperes & inopes non dis-
tabunt alios.

MEDITATIO XLVI.

FERIA 5. DOM. 5. EPIPH.

Incuria in operando.

Videbo alium scopulum proficientium
negligentiam. Petam eam intelligere
& evitare.

Conf. 1. Quomodo tententur interdum
proficientes negligentiam in operando, mu-
niaque sua sive spiritualia, sive temporalia
cum tristitia, & nausea obeundo. Est autem
negligentia alia summa, & supina, quæ est
nullam vel modicam diligentiam adhiben-
tis, & ejus, qui supinus in lecto jacens ad res
non attendit, similis: alia gravis, & culpa-
bilis, qualis est non adhibentis sufficientem
diligentiam, juxta exigentiam negotij: alia le-
vis, & venialis. Deficit à diligentia imperti-
nens, importunus, inordinatus, excessivus.

Conf. 2. Diligentiam aliam esse summam
& exactissimam, quæ adhiberi potest, possibi-
lisque, & qualem accuratissimi in suis rebus
usurpare solent: alia mediocris, quæ commu-
niter adhibetur à prudentibus juxta exigen-
tiam negotij, & circumstantias, quæ adhibita

si quid postea præter intentionem accidat, so-
let censerì invincibiliter ignoratum, & incul-
pabile: alia modica, & levis, obiter & superfi-
cialiter ad negotium attendens.

Conf. 3. Quibus argumentis me excitare
debeam ad negligentiam abijciendam, & di-
ligentiam amplectendam: videlicet excitan-
do me consideratione, cui serviam. *Male-*
dictus qui facit opus Dei fraudulenter. Iere: 43.
& per aliquot dies unum ex bonis operibus
emendabo, v. g. meditationem, orationem,
postea examen, &c. donec ordinaria diei o-
pera juxta lumen & gratiam à DEO conces-
sam agere didicero: ne illud audiã. *Matt. 25.*
Inutilem servum eijcite in tenebras exteriores.

MEDITATIO XLVII.

Feria 6. Dom. 5. Epiph.

*Adhæsiõ ad loca, & ministeria, & ap-
petitus honoris.*

Aspiciam reliquos proficientium scopu-
los, circa quos naufragantur incauti. *Pe-*
tam eos agnoscere, & evitare.

Conf. 1. Quomodo nonnulli minimè fe-
rant se ab eo, quod amant, instante Prælati
obedienciã, vel necessitate divelli, quem
affectum solet Diabolus prætextu utilitatis
majoris occulere. His 1. Sciendum est, quòd
ipsorum opera Deus non egeat. *Mortuus est*